

D. Delfín Feal Pereira, voceiro do Grupo Municipal Socialista do Concello de Cabanas, en base ó disposto nos artigos 91.4 e 97.3 do Regulamento de Organización, Funcionamento e Réxime Xurídico das entidades locais e demais normativa que poida resultar de aplicación, presenta para o seu debate e aprobación a seguinte

INICIATIVA PARA A HABILITAR UNHA PRAIA CANINA EN CABANAS

EXPOSICIÓN DE MOTIVOS

O concello de Cabanas conta con tres praias ben definidas, Chamoso, A Madalena e a do Areal, sendo a da Madalena a que máis de coñece e a que máis infraestructuras ten, a praia de Chamoso e da Madalena son usadas para o baño e no verán teñen unha afluencia de usuario.

Cabanas conta dende o 12 de xaneiro de 2012 cunha Ordenanza municipal para a protección e tenza de animais, que no artigo 6 apartados 2.a) e 2.b) fan referencia á presencia de animais no ámbito da paria da Madalena

"2.a). Prohibírese a circulación e permanencia de cans, cabalos e outros animais nas praias do Concello e no piñeiral da Madalena no período estival, definido este como o comprendido entre o 1 de maio ó 30 de setembro. Con carácter xeral, o resto do ano, o acceso de cans estará permitido sempre e cando os propietarios/as dos cans procedan a recollida das deposicións e os animais estean provistos de cadea ou correia e colar, sen prexuízo do previsto para os animais potencialmente perigosos.

b). O concello exceptúa da prohibición de circulación e permanencia de cans no entorno da Madalena no período estival definido no punto 2,a) anterior, a zona de aparcamento do paseo da Madalena, entendéndose esta como a comprendida ente o paseo da Madalena e a vía do tren, dende a altura do apeadoiro do tren á rotunda da ola, na que estará permitido o acceso de cans durante todo o ano, sempre e cando os propietarios/as dos cans procedan a recollida das deposicións e os animais estean provistos de cadea ou correia e colar, sen prexuízo do previsto para os animais potencialmente perigosos"

Considerando que o turismo é uns dos máximos activos do Concello de Cabanas e que o tenza e viaxe con animais de compañía é cada vez máis habitual e dada a restricción de uso da praia e o piñeiral da Madalena que a nosa ordenanza establece, dende o Grupo Municipal Socialista consideramos que permitir o uso e disfrute durante todo o ano da praia do Areal aos propietarios de animais de compañía, sería unha potenciación como Concello Turístico ao ofrecer un servicio que noutras concellos da contorna como Ares, está a dar moi bos

www.cabanas.psdeg-PSOE.com

cabanas@psdeg-psoe.org

O Peón - Laraxe Nº25,A

15621 – Cabanas



resultados, ademais de permitir un adecentamento na primeira liña de acceso ao noso Concello, xa iniciado coa Senda entre pontes.

Asemeosmo, como xa se ten manifestado neste pleno por outros motivos, o Concello ten competencias para organizar o uso dos espazos de costa e praias e dende o Grupo municipal Socialista consideramos que a inversión sería mínima (señalización vertical e limpeza do areal correspondente respecto ao beneficio que traería e só teríamos que engadir na nosa ordenanza muinicipal no artigo 6 apartado 2.b) a zoa habilitada para disfrute dos propietarios de animais de compañía.

Por todo o exposto, o Grupo Municipal Socialista somete á consideración do Pleno Municipal a presente **INICIATIVA**, solicitando a adopción do seguinte

ACORDO:

1. Que se inicen os trámites necesarios para dotar a Cabanas dunha “Praia canina” para uso e disfrute durante todo o ano por parte dos propietarios de animais de compañía.

En Cabanas, a 20 de abril de 2017

Asdo. D. Delfín Feal Pereira

Voceiro do Grupo Socialista

Concello de Cabanas

Sr.ALCALDE-PRESIDENTE DO CONCELLO DE CABANAS